

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XVIII. Aventiure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie Chriemhilt da bestant.
 vnt ir syeher dammen reit.

XVIII. Auentiure.

Do brahte man den herren. da er Chriemhilt vant.
 er sprach zer koniginne. wir soln in unser lant.
 wir wän vnmäre geste. hie ze Rine sin.
 min vil liebiv frowe. nu vart ir zu den landen min.

Sit daz vns untriwe. ane hat getan.
hie indisen landen. des ivren edeln man.
des en solt ir niht engelten. ich wil iv wäge sin.
durch mins sons liebe. des solt ir gar ane angeht sin.

Ir solt ovch haben frowe. allen den gewalt.
den iv e' tet kunde. der chüne degn balt.
daz lant vnt ovch die chrone. daz si iv vndertan.
iv soln gerne dienen. alle Sivrides man.

Do sagte man den knechten. si solden riten dan.
do wart ein michel gahen. nah rossen getan.
bi ir starchen uinden. was in zewesen leit.
der frowen unt ir mageden. hiez man sochen div kleit.

Do der kunic Sigemunt. wolde sin geriten.
do begunden Chriemhilt. ir besten friwunde biten.
daz si bi ir friwunden. solde da bestan.
do sprach div kuniginne. daz chunde molich ergan.

Wie moht ich den mit ovgen. immer an gesehn.
von dem mir armem wibe. so leide ist gesehn.
do sprach ir bruder Giselher. vil liebiv swester min.
dv solt durch dine triwe. hie bi diner mvoter sin.

Wie dir da hant betrobet. den lip unt ovch den mvot.
der bedarftu vil chleine. zer min eines gvot.
si sprach zu dem degene. wie chunde daz gesehn.
vor leide mvos ich sterben. swenne ich Hagenen solde sehn.

Des tvon ich dir zerate. vil liebiv swester min.
dv solt bi dinem brvder. Giselhere sin.
ich wil dich ergezen. dines mannes tot.
do sprach die kuniginne. des wär mir armen wibe not.

Do ez ir der iunge. so gvollich erbot.
si begunden vlegen. Votē vnt Gernot.
vnt ir getriwen mage. si baten da bestan.
si hete luzzil frivnde. bi den Sivrides man.

Si sint iv alle fremede. so sprach Gernot.
niemen lebt so starcher. ern moze ligen tot.
daz bedenchet swester. vnt getrostet ivren mvot.
belibet bi den frivnden. ez wirt iv wärlichen gvot.

Do lobte si ir magen. si wolde da bestan.
div roff bereitet warn. den Sigemundes man.
also si wolden riten. heim in Niderlant.
sie heten vß gesovmet. al der rechen gewant.

Do gie der herre Sigemvnt. zu Chriemhilde stan.
er sprach zu der frowen. die Sivrides man.
iv wartent bi den roffen. wir soln riten hin.
wande ich vil ungerne. bi den Suregonden bin.

Do sprach div frowe Chriemhilt. mir ratent frivnde min.
swaz ich han der getriwen. ich sole hie bi in sin.
ich habe luzzel mage. in Nibelunge lant.
leit was ez Sigemunde. do er div märe an ir ervant.

Do sprach der kunic Sigemunt. daz enlat iv niemen sagen.
vor allen minen magen. solt ir chrone tragen.
alsam gewaltkliche. als ir e' habt getan.
irn solt des niht engelten. daz wir den helt verlorn han.

Vnt vart ovch mit vns widere. durch iwer kindelin.
daz envolt ir so niht frowe. verweistet lazen sin.
swenne iwer svon gewähset. der trostet iv den mvot.
die wile sol iv dienen. von rechen manic helt gvot.

Si sprach herre Sigemunt. ine mac geriten niht.
ich moꝝ hie beliben. swaz halt mir geschiht.
bi den minen magen. daz si mir helfen klagn.
do begunde disiu märe. den goten rechen misschagn.

Sie sprachten al geliche. so mohten wir wol gehn.
daz vns aller erste. wäre leit geschehn.
ob ir beliben woldet. bi vnfern uinden hie.
so geriten hove reise. noch helde forchlicher nie.

Ir sult ane alle forge. gote bevolhen varn.
ich schaffe iw guot geleite. vnt heiz iwch wol bewarn.
ꝛ Sigemundes lande. min liebeꝛ kindelin.
daz sol vf genade. iw rechen wol bevolhen sin.

Do si daz vernamen. daz si niht wolde dan.
do weinten al gemeine. die Siurides man.
wie rehte iämerliche. sich schiet Sigemunt.
von der kuniginne. do was im vngewete chunt.

We geschche der hochgecete. sprach der kunic her.
ez geschiht von churcewile. leider nimmer mer.
deheinen kuniges magen. danne vns ist geschehn.
man sol vns nimmer mere. hie zen Ouregonden sehn.

Do sprachten offentliche. die Siurides man.
ez mohte noch ein reise. indizze lant ergan.
so wir den reht erkunden. der vns den herren erstloch.
si hant von sinen magen. der starchen vinde genoch.

Er chuste Chriemhilde. wie iämerlich er sprach.
do si niht riten wolde. vnt er daz reht ersach.
nw riten vreden ane. heim in unser lant.
alle mine forge. sint mir erste nw bechant.

Si riten ungeleitet. von Wormez zetal den Rin.
si mohten sicherlichen. wol des motes sin.
ob si in vintscheste. wrden an gerant.
daz sich wern wolde. der chunen Nibelunge hant.

Sine gerten vrlobbes. da ze cheinem man.
do sah man Gernoten. vnt Giselhern gan.
zo zim minneklichen. in was sin schade leit.
des brahten in wol innen. die helde kon vnt gemeit.

Do sprach gezogenliche. der kunic Gernot.
got weiz daz wol von himele. an Sivrides tot.
gewan ich nie die schulde. daz ich daz horte sagn.
wer im hie vint were. ich sol in pilliche klagen.

Do gab in sin geleite. Giselher daz kint.
er brahte sorgende. v3 dem lande sint.
den kunic mit sinen rechen. heim ze Niderlant.
wie luzil man der mage. dar inne vroliche vant.

Wie si nu gefuren. des enkan ich niht gesagn.
man horte zallen citen. hie Chriemhilde klagn.
daz ir niemen troste. daz herce vnt oveh den moot.
es entät ir broder Giselher. der was getriwe unt goot.

Pronhilt diu schone. mit vbermote saz.
swaz Chriemhilt geweinte. vnmäre was ir daz.
sine wart ir rechter triwen. nimmer me bereit.
sit geriet oveh ir vrov Chriemhilt. ich wän als ungesvegiv leit.